

կուսիական (5,861,000) 76.02 առ հարիւրը: Ուրեմն, գրեթէ մէկ քառորդը՝ ուրիշ տարրեր են:

Համախորհրդային դիտութեանց կաճառը Անդրկովկասի ժողովուրդները, համաձայն իրենց բնդհանուր ծագման եւ մշակոյթի, բաժանում է երեք խումբերու.—

1. Յարեքական (հայեր եւ քարթվէլ ցեղեր) խումբ՝ 55.8 առ հարիւր:

2. Թուրք-թաթար ցեղեր՝ 28.5 առ հարիւր:

3. Իրանական ցեղեր (օսեր, քիւրդեր, պարսիկներ, թաթեր, թալիշներ, եւայլն) — 5.3 առ հարիւր, ընդամէնը ուրեմն՝ 89.6 առ հարիւր:

Մնացածը՝ այլ տարրեր — ուսներ, յոյներ եւ ուրիշ եւրոպացիներ, հրէաներ, արխաղներ եւ այլ լեռնականներ. ընդամէնը՝ 10.4 առ հարիւր:

Երբ ուրեմն խօսում ենք, բառի բուն իմաստով, Անդրկովկասի ազգային փոքրամասնութեանց մասին, դրանց թւում հաշուելու ենք նախ եւ առաջ ուսներին, գերմաններին, յոյներին, հրէաներին եւ առհասարակ Անդրկովկասի ոչ-բնիկ տարրերին, որոնք չունին որոշ հողամաս: Գրանցից ռուսները թիւն է ողջ Անդրկովկասում 336 հազար (5.75 առ հարիւր), յոյները՝ 57 հազար (0.99 առ հարիւր), հրէաները՝ 30 հազար (0.52 առ հարիւր), գերմաններ եւ եւրոպական ուրիշ ցեղեր առհասարակ՝ 68 հազար (1.15 առ հարիւր): Գումարելով այս թուերը իրար հետ, կը ստանանք ուրեմն 491 հազար (8.41 առ հարիւր):

Այս ազգային փոքրամասնութիւն են կազմում նաեւ հայերը, Վրաստանի (Ջաւախքից եւ Հայկական Բորջալուից դուրս), եւ Աստրէջանի (Ղարաբաղից եւ Նախիջևանից դուրս) անվիճելի սահմանները մէջ:

Համաձայն 1926-ի համախորհրդային վիճակագրութեան՝ Վրաստանի ներկայ սահմաններում ապրող հայերի թիւն է 307 հազար եւ կամ երկրի ողջ բնակչութեան (2,666,000) 11 առ հարիւրը: Արդ, հանելով այս թուից Ջաւախքի եւ Հայկ. Բորջալուի հայութեան մասաւոր թիւը (տուեալները ըստ գաւառների եւ նրանց ցեղական կազմի դեռ յայտնի չեն

դժբախտաբար), 107 հազար, բուն Վրաստանում դարձեալ կը մնայ 200 հազարի հասնող հայութիւն, որպէս ազգային փոքրամասնութիւն: Սրա ուղիղ կէսը (100 հազար) Թիֆլիսում է ապրում, իսկ մնացած կէսը ցրուած է Վրաստանի գանազան գաւառներում, բարց դարձեալ, քիչ շատ համախումբ — Ախալցխայի եւ Թիֆլիսի գաւառներում, Աբխազիայում, Բաթումում, Կախէթիայում (Թիլուսի եւ Սըղ-նախի գաւառներ) եւ փոքր չափով՝ Գորիի շրջանում ու Իմէրէթիայում (Քութայիսի նահանգ):

Հայութիւնը ազգային փոքրամասնութիւն է ներկայացնում նաեւ Ատրբէջանում, Ղարաբաղից դուրս: Ամբողջ Ատրբէջանի (ներկայ սահմաններում) հայութեան թիւն է, 1926-ի վիճակագրութեան համաձայն, մօտ 300 հազար (297 հազար) եւ կամ երկրի ողջ բնակչութեան (2 միլ. 16 հազար) 14 տոկոսից աւելին: Արդ, այժմեան Լեռնային Ինքնավար Ղարաբաղի ողջ ազգաբնակչութեան (127 հազար) ճնշող մեծամասնութիւնը հայեր են — 108 հազար: Նախիջևանի ներկայ բնակչութեան (103 հազար) մի փոքր մասը եւս (մօտ 10 հազար) հազար հայեր են: Հանելով ուրեմն այս 118 հազարը Ատրբէջանի ամբողջ հայութեան թւուից, կը մնայ 189 հազար: Այս թուի էլ շուրջ 89 հազարը վերաբերում է այսօրուան «Ինքնավար Ղարաբաղ»ից դուրս գտնուող, բայց նրան կից գաւառներին (դրանց թւում հաշուելով նաեւ Լեռնային Գանձակը), որ հայաբնակ են եւ կազմում են չխուզուած Ղարաբաղի մաս:

Այսպիսով, Ատրբէջանում 100 հազարի հասնող հայութիւն է մնում որպէս իսկական փոքրամասնութիւն, ցրուած այս ու այն շրջանում՝ Նուխի, Շամախի եւ մանաւանդ Բաղու:

Նշանակում է, հայ տարրը որպէս ազգային իսկական փոքրամասնութիւն Վրաստանում 200 հազար է (Թիֆլիս եւ բուն Վրաստան), իսկ Ատրբէջանում՝ 100 հազար (Բաղու եւ բուն Ատրբէջան, չհաշուած Հայկական — ընդարձակ սահմաններով — Ղարաբաղի եւ Նախիւրայի հայութիւնը), ընդամէնը՝ 300 հազար: Դա կազմում է Անդրկովկասի ողջ ազգաբնակչութեան 5.55 առ հարիւրը: Իսկ Հայութեան քանակը Վրաստանում եւ Ատրբէջա-